

UMS@H.UMSAW

DA
U

KREMLINE LARTANG

(IA KA HOK LONGTRAI LA TYNGKAI)

Sienshon Banyngkong
—1982—


PLEASE HANDLE THE

CAREFULLY

UMSOH—UMSAW

★ ★ ★

Na ka bynta ka jingkyrmaw icit ia ki ar ngut ki para
ba la bam kwai ha ing U Blei. Ki long—para
shynrang U Thomlin Lartang bad para kynthet—
Ka Tenny Dolly Lartang.



CHECKED

DA


U

State & Central Library
Shillong

KREMLINE LARTANG,

Sain, West Khasi Hills District.

—1982—



Ka 'Tlen Kyntlen.

Ha man ka khep ba nga sahkut ha ki diengpyngkiang ka Syiem Por ka wan mih paw ban pyllait ia nga na ki suh-sat ka jingkhum ki shiah jyrm. Nga sngew tngen shisha ha ka Syrngiew u Diengbah. Ha kane ka pali ba mynta, ngam lah ban len ia ka jingshisba ba u Bah B. Chedrak Jyrwa (ba la ju khot iait kum u Bah Chedrak), u la 'long keifi uta u Diengbah, ha kaba nga la rieh tngen. Nga sngew kitram na ka bynta ka jingtnge ba u la ai ha nga. Ngam pat ju lap ba une u Diengbah un khñium ne kren ne leh khohñioh ia nga ne ia kiwei ruh, wat la shisha hapteng shibun kiei kiei ki jinglongbriew kum ki briew. Kumta nga shlan keifi ban ong bad iathuh ha phi, ba kum kane ka jinglong ka long ka rukom jinglong jingim kaba janai, kaba bha ia ngi lang ban shim bad pvrthuh nuksa. Ha ka jingkah tngen ka Syrngiew jong u, nga la lait na ki kjat sngi ba shoh ia nga. Nga dwai ba une u Diengbah un nangpiar ki tnad khnang ba shibun kiba thrang ban rieh tngen ha ka Syrngiew jong u, kin ioh ban leh kumta. Nga ai khublei da kaba sngewuguh ia ki Dkhot ka Seng Nongthoh Kot Khasi kaba la ju tip kum ka "Khasi Authors' Association, Shillong" kiba la aibuit, aibor, bad ai mynsiem ia nga ha man la ki por baroh. Nga kitbok kitrwiang ba kane ka Seng kan nang lah ban nangiaid shaphrang ban prat bad ban mait lynti bad ruh ban jop ha ki jingthmu jong ka kum ka Kynhun, ha kaba kyntiew ia ka burom ka Ri, na ka liang ka thoh ka tar kaba long u Mawsiang jong ka Jingieng bad Jingneh jong u Khasi kum ka Jaitbyniw. Nga ai khublei ruh ia baroh ki paralok baiatit baiathoifi ia kiba ha ing ha sem kiba la iarap ia nga shikatdei eh, haduh ba ngan da kynjoh thiaw sha ka thong. Ngan sahnud shijunom lada ngan klet ban ai khublei ai burom ia u Bah G M. Sohkhia, u ba long u Officer ka State Bank of India (uba nga ju sin ne khot iait ia u, u Gram), wat la u dei u paralok ba ia iait eh bad nga. U long shisha u lok jong nga ha ka shipa la ha kane ka khep ba mynta ne ruh wat ha kiwei pat ki bynta jong ka jingim jongnga. Nga ai khublei ruh ia ki bor Sorkar kiba la ai jingiarap ia nga da ka pisa tyngka.

Khatduh khatwai, nga pan map na phi ki nongpule
na ka bynta kano kano ka jingduna jingbakla kaba phi lah
ban lap bad shem ha kane ka kot barit jong nga. Ngan
sngewuguh shikatdei lada phin pyntip sha nga ia ki lait
ki let, ki jingduna jingponkad, kiba phi lap ha kane ka
Kot "UMSOH-UMSAW", kaba long u Sohnyngkong jong
nga ha ka thoh ka tar. Ko Parari ka Bishar ka dei ka
jong phi.

Kumta—

Na Tyngkong ka Rangjadong,

Hapoh—

Ka Kot ia Jingja la song,

Hadur—

Jingrwai b'la iathuhkhana,

Khlempep—

Ia ngi lang kan ai nuksa,

To khan—

Ia baroh ba la pyni,

Bishar—

Ruh la jingim Parari,

Nga ai—

Ha phi ia kane ka Song,

Naduh—

Na Tyngkong ka Rangjadong,

To shim—

To buh ban sah kynmaw,

Shaphang—

Thma Sain Nar 'UMSOH-UMSAW'.

KHUBLEI

Nongthoh.

K. Lartang,

SARIN)(
West Khasi Hills)(
18 Tarik Risaw 1982,)(

Ban la byrshem lem

Ki Khriang ka Ri ki tuid bad ki krang ia ki Syrtap Mawsiang ka thoh ka tar ha kine ki sngi. Baroh shikatta ngi ju pyrkhata ba ka shong tang ha ki Saw Kynroh jong ka Hima Sohra. Hynrei katba nangmih ki sngi, ki Nongthoh ki la nang pynkha ia ki kamra bapher bapher. Ka Ri ka san ryngkat ryngkat bad ka thoh ka tar ha ki liang baroh Kane ka long ka amar ratbah jong kano kano ka Jaitbynriew bad ka bor ba lah ban pynpaw shynna ia ka dur ba shisha jong ka.

Ki Nongthoh kiba ioh ka jingkyntu mynsiem, da kaba ki jngi ia ki kynian jong ka Mariang bad iohi ia ki Jingpynlong jong ka Mariang lyngba ka kti U Nongthaw, kim lah ban shu shong khop bad rieh sha ki sangam sajah khlem pynpaw ia kata ha kano kano ka dur Kumta, haba ka la ioh jaka, ka kyrsoi kum ka umpohliew, ha kaba ym don kano kano ka bor Mariang kaba lah ban khang. Ha baroh ki bynta, ki don ki aini ne ki kyndon kiba la pruid dak, na ka bynta ban bit ban biang u briew. Hynrei kita kim dei ban long pat ki jingkhum jingteh ia ka bor kaba kyrsoi, kaba u briew u lah ban pynpaw lait luid ia kata kaba u ioh na ka jingkyntu. Bad ka shong ruh ha ka pyrthet ban thew ban woh ne ban bishar ia ka lait ne ka dei. Ka jingiaksaid jong ki Nongthoh ha kine ki sngi, ka long ban nangpynkha shuh shuh ia ki kamra bathymmai, na kawei ka por sha kawei ka por, kiba kham pher ruh ha ka dur, namar ngi don la ka rukom pyrkhata kaba pher na kiwei pat ki jaitbynriew. Kumba u David un nym lah ban pynkyllon ia u Goliath lynda u la ia khun bad u, tang da ka atiar kaba u la kieng. U lah ban rem j-h burom lada la pynbor ia u ba un phong da ki jingphongnar kum ki shipai, kiba lah ban teh ban khum ia ki kti ki kjat jong u. U Bah Kremline u lah ban shah rem ha ka jingpyrshang, lada u la pyrkhata lupa ia, ki jingkhum jingteh kiba don ha ka thoh ka tar, kumba don manore ba pyrkhata. Ka long kaba ma namarkata, ban pynbor ne khum jubor ia ka sap ba kyrpang jong uno

uno u Nongthoh uba ki jingkyrsoi ki jingpyrkhat ki la kha lupa ha u.

Ha kane ka bynta, ngi iohi sa ia uwei pat u Samla, u Kremling Lartang, uba long da shisha u khaw thymmai jong ka thaim Mawkyrwat, uba la wan rah ha ngi ia ka thup jingrwai Myllung kaka pynpyrkhat thymmai ia ngi kaba u ai kyrteng ka "UMSOH - UMSAW" Lyngba jong kane ka jingrwai ngi lah ban iohi ia ka Mynsiem iet Ri ba shisha kaba la suh thied naduh kulong kumah ha ki Longshwa jong ngi Ka jingpyrshang u Mynder ban thom bor ia kine ki Lum baiet jong ngi, ka la pulom bad sepei.

Ki jingpyrshang jong u, ki don la ka jong ka dur ka dar, la ka kup ka phong kaba la biang ban ia mih pyrthet. Nga sngew ba ka long ka kamram jong nga ban ai la ka kyrkhu ka kyrdoh bad ka kitbok ka kit rwiang ia une u Samla ba un nang trei smat ban sei shuh shuh sa kiwei pat ki Symboh pyrkhat kiba kham phylla, ban nangpyn-kup pynphong ia ka thoh ka tar u Khasi kaba dap pura bha Katba nang mih ki sngi, ki jingpyrkhat ha ka thoh ka tar Khasi ki la nangih bad ioh ka jaka kaba kham kyr-pang ha ka pyrthet Ka long ka burom ka ba khraw ia ka Ri bad ka Jaitbynriew ba ki khun Samla ka Ri kin ia im jingmut ban kyntiew ia ka Ri da ki sap ba kyntang, ym dei da ki Riampapan

Ki Syrwet ba shynna ki paw ha ki Dak jong ka por, ban iathuh ia kane ka pateng longdien ba ngi phong da ki Jymphong u Riewaleh ba kynsai bad ba satar Ngim dei ruh ban pyndem niuhmat ha khmat ki Mawshohet kiba pyrshang ban putronsing tang shaphang la ka jinglah, bad ibei ia kiwei pat, wat la ki long kiba bit ba biang. Ha ka jingshisha te haba la biang ka mai, ka jabiang ka kyr-dan bad ka riim ka beit, lada ym teh 'Tai' ruh ka biang hi. Ngim namarkata ha ka ia kaba biang eh, ban nang kynton shuh shuh ia u rnga ding uba rhem bad ia byrshem shuh shuh ia ki Dieng tyllaw ka thoh ka tar khnang ba ka pyrthet kaba bishar ia ngi kum ka Jaitbynriew, kan hap da

husiar bha, namar ba ngim shym ia pan kyliang shuh ia ki kot ki sla na kiwei pat ki Jaitbynriew.

Nga da sngew sarong shikatdei eh na ka bynta une u Samla, u Kremline Lartang namar ba u la ia syndet kti bad pyni syndon da ki kam, kumba ka paw ha ngi mynta Don shibun kiba byrngem tang da ka ktien, hynrei ki bym ju pynnoh shi kyntien pat ha ka Jingthoh Ka jing kynmaw u briew ka long kaba lyngkot katta katta lynda ngi buh ha ki jingthoh, ngi lah ban klet noh Kine ki long ki Matti Lyngksiar, ki bym lah shuh ban dam na ka sla pyrthei. Kim long kum ka spah bad ka burom kiba neh tang shiphang sngi, tang kum ki umjer Hynrei kine ki Matti Lyngksiar ki ieng kum ki Lumbah kiba sah pateng la pateng.

Nga da angnud ban dang iohi sa kiwei pat ki jingtrei ba ratbah na une u Samla.

Mawlai Iewrynghep
Shillong—8

7 tarik, Kyllalyngkot 1982.

B. Chedrek Jyrwa
Deptt of Khasi,
Shillong College,
Shillong

Ki Symbol Pyrkhaf

Dei hadien ba k_i k_jat sng_i ki la shoh tyngeh ba ka jingsngew donkam ia ka Syrngiew u Diengbah ka pynshoi ia ka jingmut u briew ban richtngen. Ha ka jingrichtngen kumta, u briew u pynher ia U Pukni Jingpyrkhat sha ki syrtap ka Puson kiba ym lah ban thew ne tip. Shano ka leit, shano ka wan, mano ba lah ban tip bad shemphang? Lyngngai sha ka r_i ka Jingphohsniew Hateng-bateng, don kiba ioh_i iaka byrngut byrngut bad kine ki la pyrshang ban buh tyngkai hala ki pulit jingkybmaw jong ka jabieng. Kine ki phngit bad ki bin-bin ka Pyrkhaf ynda ki la ioh bor bad longdoh longsnam, ki kylla long pynban ki Symbol Pyrkhaf. Kine ki Par ka Jingpyrkhat ki pher na uwei u briew sha kawei pat, na kawei ka jaka sha kawei pat bad ruh na kawei ka por sha kawei pat. Hynrei kaba phylla ka long kawei pa kawei ka Symbol Pyrkhaf kaba mih nangta ka long kaba kordor suda Hood, ia ka jingkor_dor jong ki Symbol Pyrkhaf ym lah ban thew ne ianujor Ruh, ki pher ha ka jingkor_dor kawei na kawei pa Sangsot bad lehnohei lada ym lah ban bar ia ki phngit ka Pyrkhaf ha ki Pulit ka jabieng bad lei lei lada ym lah ban pynkylla Symbol Pyrkhaf ia ki Shuh shuh ka long kaba kham sngewsih bad sngewshyrkhei lada ka Bih ne Sni 'Seifiong ka snoh lang ha kita ki phngit ne bin bin ka pyrkhaf. Ka long kaba ma lada ngi shah ia ki pulit ka jabieng jongngi ban pdiang bad ai jaka ia kine ki phngit pyrkhaf ba snoh Sni 'Seifiong ban nangsang nangroi ' To ai ba ka Jingiatiplem kaba bha u briew kan sngewthuh shai ba ki phngit pyrkhaf ba kum kine, kim lah ban kylla Symbol Pyrkhaf. Hood, ha ka jinglot briew. bun sien ngi sngewthuh bakla bad kum n_iew ia ki, ba ki long ki Symbol Pyrkhaf.

Ym lah ban len ia ka jingshisha ka longbriew manbriew ban lah ban khang ia ki ban nym mih pyrthei Ha kane Pyrthei ba U Blei U la ai ka mon laitluid ha u briew, man ka teng la ju lap ba kine ki mih pyrthei kumjuh kum ki Symbol Pyrkhaf. Ki snoh ha ki sha ba kaweh bad ki

jngi bad tuid ha ki khriang bad lad lad kumjuh bad ruh
 ryngkat ryngkat bad ki Symboh Pyrkhat Ha kane ka
 Jylli Jingpyrkhat u Nongpyrkhat u kyrpad ia ka Por ban
 pyndonkam ia ki Atiar ka Jingshisha jong ka, ban kren
 bad batai shai bad ban ktah ia ka Longbriew Manbriew
 kaba long kat kum ka Mon U Trai Nongthaw, ruh ban
 pynkynduh ia ka Jingtatiplam babha ba janai u briew ha
 kaba fiew kyntang ia ki Symb'oh Pyrkhat. Khlempep
 haba la pynngam jylliew ia ka jingsngewthuh bad jing
 shemphang — ka Por kan sa batai bad kdew shai kdar
 kino ki Symboh Pyrkhat bad kino pat ki Phngit Mangka-
 riang ka Pyrkhat bampong.

Ka Por ka long ka Syiem kaba tip lut ia kiei kiei.
 Ka pher na ki wei pat ki syiem. Ka dei tang ma ka na
 baroh ki syiem ka pyrthei kaba bishar hok. Kam ju fiew
 shiliang khmat, bamsap, thok, shukor, arsap, niewbeifi
 ne fiiuhroit iano iano ruh, la rit ne khraw, la stad ne
 bieij, la duk ne niewspah, la lieh ne iong la lyngkot ne-
 jrong, la sngaid ne raikhoh, bad kumta te ter Ka sumar
 bad bishar hok ia baroh ki heh ki haifi, ki rangli ki juki,
 ki kup shiliang ki sem shiliang ki khunswet ki khun
 raitong bad ruh wat ia ki dieng ki siej ki syntiew ki
 skut, ki khaw ki btap, ki lyngkha ki risai, u kra i u kba,
 u ngap u lwai, ki sim ki doh, ki mrad ki mreng, u
 khla u thlen, bad kumta ter ter, ia baroh kiba don ba
 paw ha sla Pyrthei bad ruh ia baroh kiba don ba paw ha
 sahit Bneng, kum ia ki khlur u bnai, 'lurstep 'lurmiangkara,
 u slap ka lyer, u lyoh u lyput bad ia baroh ki bymlah
 ban jer ne fiew hangne.

Nga ainguh shihajar kti shihajar kiat ia ka Mei 'iem
 Por kaba la shah sbun bad ai lad ia nga ban shah lynshop
 ha ki shalyntem ki jingpynshoi ba har rukom jong ka jing-
 im. Nga sngewkit ram ruh ia ka Syrngiew U Diengbah
 ka ba la shah sngewbha ia nga ban rieh tngen. Ngam lah
 ban khlem da pynpaw hangne ia ki jingeh kiba nga la mad
 ha ki por ba ki Phngit Pyrkhat ki la wan ban thynnian
 ha ki pulit ka jabieng jong nga. Ka la don ka thma kaba
 shyrkhei ha kaba ki thied jabieng ki la saich ban ktait ia ki

Phngit Pyrkhat kiba ka Sni 'Señiong ka snoh ha ki. Nga sheptieng shikatdei namar ba wat ki Phngit Pyrkhat kiba bha ki lah ban kylla Phngit Mangkariang pynban. Nga sngewthuh shai ba dei ka Syiem Por hi kaba la ai myn-siem, aibuit bad aibor ia ki thied jabiang ban long kiba 'aishah bad kaba la pynlong ia ki ban lah ban trei sani bha jai pa lai haduh ban da pynmih syndon da ki Symboh Pyrkhat.

Ngam lah ban klet ia kito ki por kiba nga ia iaid bad ryngkoh kulmar lyngba ki raieh raidam, ki krem ki kroh, ki khlaw ki btap, ki lyngkha ki risa: bad ha kaba nga la hap ban rynsied ia ki diengpyngkhang ba laiphew skit Ha ka lynti iaid jong nga kaba dap da ki jingeh, ka la long ruh kaba jngai, kaba thait bad lwait bad badap da ki at bad ki them Wat la nga la hap ban shah ia ki bun ki jingkien bein bad jinglehraiñ jong ka longbriew manbriew, phewse nga kmen pat ba nga iohi ia ki kjat sngi ba phyrnai ha khar jong u Jawpaw Nga la lai duriap bha iohnga hap ha ki 'hiewlong 'hiewlep ki ban pynlong ia nga ba ngan nym lah shuh ban khie Ng la pyrshang ban da phikir bha hala ka lynti iaid, la ka long ha ka por ba dang ngir ne saw tyngap, mynstep ne mynsngi, janmiet ne wat ha ka por ba kem iongrein, mynmiet ne synñia ruh. Nga la iaid hi thaid shi thaid haduh ba ngan da poi ha ka jaka kaba nga la thmu Kata ka jaka ka long ha kaba ma phi ki Paradoh Parasmam phi ia don lang Nga nud ban ong ba nga ia jop ia ka thong ne poi ha ka jaka ba nga thmu Ladu phi la lap bad iashem ia nga, nga ruh nga la kren ha phi. To pdiang sngewbha ko Parari, Paradoh, Parasmam ia kine ki Symboh Pyrkhat kiba nga tyrwa sngewbha ha phi. To iathuh, iapurkhana lem ha kiwei pat ki Paradoh Parasmam shaphang kine ki Symboh Pyrkhat Ko Parari nga kren shai ba nga da tyngkai ia la u thylliej ne 'iej khulom ban pynpaw ne kren ne thoh ei ei shaphang ka jingbang ne jingkthang jingthiang ne jingjew jong kine ki Symboh Pyrkhat. Nga dap da ka jingsngewbha ban kyrpad ia phi ban da mad; bad to rai to khan bad to bishar hi maphi phi sngew kumno haba phi mad ia kine ki Symboh Pyrkhat. Nga kyrpad ia kito kiba la iohmad ia kine ki

Symbol Pyrkhath ban iasam lem ha kito kiba kwah ne lada jia ba ym lah ban ioh nangno nangno ruh, ngan sngew-nghuh shibun lada phin pyntip sha nga ia ka jingkwah jong phi ne jong kito kiba kwah ban ioh mad khnang ba ngan lah ban leh ia kaba donkam, khlem da pynsah nud iano iano ruh.

Nga ainguh sa shisien ia ka Syiem Por kaba la iarap ia nga ba nga la lah ban lum ban lang ia ki Phngit Pyrkhath bad ruh haduh ba kin da kylla Symbol Pyrkhath bad ruh haduh ka por ba nga la lah ban teh song bad buh ia ki ha kane ka song, "Umsoh-Umsaw", bad ruh haduh kane ka khyllipmat ba nga la ioh kum kane ka kabu ksiar ban tyr-wa ha phi ia kane ka song "Umsoh-Umsaw" ha kaba nga thep ia kita kiba nga ong ne khot ki 'Symbol Pyrkhath' Ko Parari ynda phi la den ktha lut ia ki Symbol Pyrkhath na kane ka song "UMSOH-UMSAW" nga khot kyrpad ia phi ban ia ainguh ryngkat bad nga, da kaba burem bad sngewrit, to ngin ia ong lang ia kine ki kyntien ai khublei ia ka Syiem Por .—

"Khublei shibun eh ia phi Ko Mei 'Im Por, to U Trai Kynrad Un don lem don ryngkat bad ngi lang bad iarap ia ngi ban sngewthuh ia ka Jingmaian jong kine ki Symbol Pyrkhath".

KHUBLEI

Norgthoh.
K. Lartang

SARIN

West Khasi Hills

11 Tarik Kyllalyngkot, 1981.

Jawpaw

Kane ka Ktien ba la kdew haneng ka long ka kyiteng jong uwei u Lum uba pawnam ha kine ki Lum Khasi Jaintia, uba la ju tip baroh shikatta kum u Lum 'lawpaw'. Ka jingkytnoh ia une u Lum da kaba spel 'lawpaw' ka long kaba bakla, lada ngi pynshong nongrim ha ka Jingkytnoh Tynrai kaba la ju kynnoh bad khot iet ia une u Lum da ki Trai Shnong, ne, da ki biew jong kane ka Thain Yn lap ha kane ka Ka Kot ha ka Bynta-II ba la spel 'Jawpaw'.

Ym lah ban tip balei ba la spel ia une u Lum da ka Ktien 'lawpaw' Nga la wad bad duriap bha ban lap ia ka daw balei ba la spel kumta, hynrei ngam shym lap sabut ei ei ka ban batai da ki sakhi, ne pyni bad pynshongnia da ka Jingshisha ba dei ban spel ia utei u Lum da ka Ktien 'lawpaw' La spel ia u tei u Lum da ka Ktien 'lawpaw' tang namar bym don dak (Alphabet) ha ka Ktien Khasi. Kata, namar ka daw ba ym lah ban spel da ka Jingkytnoh Tynrai, la shu spel noh ia utei u Lum da ka Ktien 'lawpaw'. Namar une u Lum u long uwei napdeng ki Lum Khasi Jaintia ha ka Nam, te la hap ban spel ia u da ka Ktien 'lawpaw' kaba kham jan ka Jingkytnoh na kaba kynnoh ki Trai Shnong kaba long ka kyrteng tynrai jong une u Lum. Kumta, lynda la leh kumta bad buh ha ka Thoh ka Tar, ki Kbanatang bad Puriskam ba ia snoh bad une u Lum, ki la lah ban jah bad dam noh pynban na ki Sla Kstar jong ka Thoh ka Tar u Khasi. Ki biew jong kane ka Thain kia ym lah ban khlem da ainguh ia kito ki Nongprat lynti ba mynshwa kiba la pyrshang ban pynsuhseng ia ka Nam jong une u Lum. Shuh shuh ka Jingainguh kan long syndon sha ki Syrtap bym lah thew, lada ki Maw Kordor ka Thoh ka Tar u Khasi ka Mynta, kin ai jaka ia utei u dak nyngkong uba long kum uJ (ne, j) tangba u don ar tylli ki dot ha khlieh u J (ne, j). Ban pynneh syndon ruh wat ia ka Jingkytnoh Tynrai ba long ka

Kyrteng hok jong une u Lum kumba la suit la shoi da ki Longshwa Manshwa.

Ngı lah lehse ban mutdur haduh katno utei u Lum u ud u khıh pısa, namar la spel bad kynnoh bakla ia ka kyrteng jong u. Hato, Ko Pararı, Paradoh, Parasnam, ka kyrteng jong nga jong phi, kam dei kata kaba ngı ong 'Ka Ijot Long Rynıeng' jong nga jong phi? Kane ka Jingtyrwa barıt ıong nga, lada pdıang, khlem artatıen kan pynkmen pat ia une u Lum ba pawnam jong ngı.

Lada ngın pyrshang ban phai dien tiak bad shah ia lade ban puson, kumno ba la wan rah ia kı Dak (Alphabet) jong ka Ktien Khası, khlem pep ngın lah mynta ban weng ia u Thngiat jong ka jıngbymlah spel bad kynnoh bad ruh ngın ıohı shai kdar ia ka jıngıapher. La khot ia kı Dak Khası ba kı dei kı Dak Roman (Roman Script). U dak ı (ne, ı) um don ha kı Dak Phareng (English Alphabet) Hynrei na ka ungeh ban spel bad kynnoh ia kı 'ıng' Ktien 'ıı' (ne ıı') bad 'ıng', u la shıa ne pynmıh ne pynrung da Dak 'ı' ('ı') Te kane ka jınggeh ban spel bad ban kynnoh ia kıne kı Ktien Sohra da u Dak 'ı' (ne, ı), la sngewdonkam ia uwei pat u Dak 'ı' (ne 'ı'). Lada ngı shıim ia ka Jıngsawa jong utei u Dak nyngkong jong utei u Lum ha kane ka nuksa harum kan ım don kano kano ka jınggeh ha ka jıngkynnoh.

Nuksa—Shım bad bat ha la ka jıngmut ia ka Jıngsawa jong kı Dak 'ı', 'ı' bad 'ı', 'ı'. Kumba ngı wan rah ne pınsawa na u Dak ı, 'ı' sha u Dak 'ı', 'ı' kumjuh ruh wan rah ne pınsawa na u Dak 'ı', 'ı' sha utei u Dak Nyngkong jong utei u Lum. Kumta ka jıngsawa ka jıngkynnoh jong u Dak 'ı', 'ı' ka long kum ka jong u Dak 'ı', 'ı' kham ılan; kumjuh ruh ka jıngsawa ka jıngkynnoh jong utei u Dak Nyngkong jong utei u Lum (ne, ne Ktien ba la kdew haneng) ka long kum ka jong u Dak 'ı', 'ı' kham jlan.

SARIN

West Khası Hills,
21 Tarık Kyllalyngkot,
1980.

Nongthoh.

K. Lartang.

JINGKDEW

			Sla
1.	BYNTA	— I	1—9
2	BYNTA	— II	10—15
3.	BYNTA	— III	16—26
4.	BYNTA	— IV	27—38
5.	BYNTA	— V	39—41
6.	JINGBATAI KTIEN		—42

PLEASE HANDLE THE

CAREFULLY

UMSOH-UMSAW

BYNTA—1

Ko Khun Ko Ksiew U Hynñiew Trep to shim nuksa,
Na Jingjia b'la tem ha sur Jingiathuhkhana ;
Jinak, kaei b'la jia h'u pateng Hynñiew Trep,
Ha por ba Khun Khasi dang im tang da ka rep ;
Kynjai, lung leng, parum pareh ha khrum Bineng,
Ha Sotti Juk ka suk ka saiñ mynsiem ka meng ;
Jing'ong lui lui hyndaï pynsyaid ruh wat i'u bseiñ,
Hana, sngew pap i'u 'Bapli Kynrad' ban niew beiñ ,
Haduh mynta ki Dak ki Shin tyngkreñ ki paw,
Na Thma Saiñ Nar b'la tip kum ka 'UMSOH-UMSAW'.
Kumno, Longshwa Manshwa Riti Dustur u da—
Knmno, u kyntiew longbriew manbriew bad seng Hima.

Kumne—ha Thaiñ Nonglang ka jia,
Haba synshar ka dang nylla ;
Wan mih kynsan ki 'riew Nongwei—
Ba kam lade ki nongwad blei,
Hana, ki ong ki la dep jngi,
Tyllup pyrthei da bun ki sngi,
Ki da kup dur pukir bapli,
Mynba ki poi ha Ri jong ngi
Ki dei na lyndet Mangkashang—
Ne, na sha jngai duriaw shiliang—
Ne, na mihngi shabar ka ri —
Lah ruh ban dei 'Janri' sepngi !

[2]

Ksiew Hynñiew Trep kane ka Thaiñ,
 Kim tip thngah : ba suk ba saiñ ;
 Kyrduh kyrtañ bam bha kim bna,
 Kí bam kdañg tang d'u Jatira ;
 Kim tip malai makhon ne khleiñ,
 Kí bam thrup thrup tang d'u Sohthreiñ ;
 Bam bang bam thiang kim ju pyrkhath,
 Kí bam kdañg tang d'u Jatiwat ;
 Jingim kim khuslai ne pyrwa,
 Kim ju tieng ruh i'u thlen i'u khla ;
 Kí khelaiñ kí plung la L'iur ne Tlang,
 Kynjai kí im ba la Mariang,

Ka rep ka riang dang sei soh bha,
 Kim tip ka khrong ne leit bylla ;
 Kí inglyngkha man la ka lum,
 Kí Thiar kí shlei ha man l'u tnum ;
 Kí phòng tang dep ka jaiñ ka nep,
 Kim tip pharshi ne kren pharep ,
 Dang saw tyngab kí trei naphang,
 Haduh sepsngi mynslap mynrang ;
 Ka sngi u slap katba iohei,
 Kí Lyoh na bneng ka Rí kí bleí ,
 Kim ju kren khñium ba por 'nem sniew,
 Kí sngewthuh shai la jinglong briew,

[3]

Ki lum ki wah, ki riat ki ram,
 Bad ki, ha Saw Aiom ki ngam,
 Na dieng na siej, na khlaw na btap,
 Nangta ban lap i'u Lwai i'u Ngap ;
 Dawai dashin ruh laiphew jait,
 Katba i hei kim ju kyntait ;
 Ki sim ki doh, ki mrad ki mreng,
 Jingthaw baroh ha khrum ka bneng ;
 Kjat sngi ne lyoh, la shit ne khriat,
 La lyer la slap ki iaid ryngkat ;
 Ki khlur ka bneng, u bnai ka sngi ;
 Baroh ki dei ki Lok jong ki.

Ia Saw Aiom ki sngewthuh bha,
 Lano ban thung i'u phan i'u kba ;
 Jaituh jaipeh kim ju phohsniew,
 Kim ju ailad ki jait iingsniew ;
 Kim ju tip ruh ka tuh ka thiem,
 Namar ka Hok ka dang long Syiem ;
 Dang bud ryntih ka aii shongkha,
 Ba tang bakla la sang la ma ;
 La kur la jait ki tip biang biang.
 Ka Thepmawbah ki dang pynbiang ;
 Kumta ha suk ha saii kynjai,
 Ka Ktien Tymmen ka dang shong sbai.



[4]

Kumne ki im kynjai ha suk,
 Ba dang synshar ka Sotti Juk ;
 Hynrei katba nangiaid ki por,
 Imat longbriew ka la sdang kdor ;
 Tang da kumne ban pynshongnia,
 Shuh shuh lehse ngin kham bakla ;
 Te khnang ba ngin kham sngewthuh shai,
 La dei ban ngam shaduh tynrai ,
 La hap ban tih naduh Thymmei,
 Ba sdang jingim ha sla pyrthei ;
 Kumno ka sdang ka Longbynriew,
 Da kumno pat ka snoh jingsniew.

Bynriew nyngkong ha sla pyrthei,
 Ha bneng ki sah lem bad U Blei ;
 Sha sla pyrthei ki wan ban rep,
 Ia ki la tip kum Hynñiew Trep ;
 Dei ynda dkut u Sohpetbneng,
 Ha sla pyrthei ki krih kylleng ,
 U Sohpetbneing ka Jingkiengksiar,
 Bynriew nangta u kiew u hiar ,
 Ia ka la pom dkut d'u Pyrthat,
 Hana hynda mynba u shad ,
 La u bakla ne u mut khnang,
 Maian jong ka : Don ba peiphang?

Bynriew nangta u shad kynting,
 Jingsniew hapoh jingmut ka ring ;
 Thymmei jingsniew lada ngi wad,
 Naduh nangne ngi dei ban krad.
 Ha khyllipmat ba long pyrthei,
 La don lupa u ksuid u khrei ;
 H'u briew u mihpaw man ka por,
 I'u briew ban pynshoi ban pynbor ;
 Bunsien jingmut sha suñ ka poi,
 Haba la ktah ki jingpynshoi.
 Lymda i'u ksuid i'u khrei la thaw,
 Bynriew sha sniew un nym long mraw.

Ksuid rangbah duh b'la khot 'Suid Tan'.
 I'u briew sha sniew u ring u tan,
 U mihpaw ynda dei ka ia,
 Da dur bapher kat kum jingjia,
 Kumta ha lyngkha lum Diengiei,
 Dateh kular jingstad u khlei,
 U kren lyngba ka shyntur Phreit,
 Ba sa tip Pap: Kum ka jingngeit,
 Suid Tan mynta kum u "Lenri"
 Da dur bapli kynrad Janri,
 Kumne wan paw khun ksiew ka pap,
 Ba kup ka knup sngewrit arsap.

Nongwei nongar sdang kreh kylleng,
 Da mut dur ruh kumno ban seng;
 Ka hima bakhlaifi bad bakhraw,
 "Kine ki bieji kip sa long mraw;
 Wat la mynta nongwei ngi long,
 Ngı dei ban khroh khnang ban loh shong".
 Ki kren tang 'tien jali jaum,
 Katba ki leit shaneng sharum;
 Ki ngam ki khlaw la kum 'sewbeh,
 Ban rwat artat jaka shongneh;
 Ia ki sangam sañum ki kiew,
 Mano ba tip ia dohnud sniew?

Kum puriblei ki kup ka dur,
 H'u 'sai jingkhroh ki tem ki sur;
 "Sawdong pyrtnei ngi la lohı,
 Ym pat don kat ka Ri jong phi;
 Hangne ngi sngew la kum ha rngai,
 Ka ri u jhur, u soh u pai;
 Hapoh khyndew bun jait ki par,
 Ba lah ban sañi bun jait ki tiar;
 Lada ia ngi ban shong phin shah,
 Buit har rukom ngin sa pynbtiah".
 Kongsan ki ong - "Ha jinglongbriew-
 Ka spah ka phew irat kan kiew".

"Rukom Saiñnar jong phi 'Paka'
 Ki khlei tang da tien khroh suda,
 Ha sngap shuh shuh kumno ki ong,
 Kumno ki khroh tang ban ioh shong,
 Hynrei balei ka spah kam kiew,
 Barit ki shlem, ba duna briew,
 Nongtrei khyndiat, kumno kan roi?
 Kumta ruh rit ka ioh myntoi,
 Rukom treikam thymmai sainar,
 Mynta ha phi ngi teh kular,
 Ko lok sngewbha to kren to ong,
 Phin shah ne em ia ngi ban shong".

"Ka ri jongphi itynnat eh,
 Ngì thrang hangne ban ioh shongneh,
 La kum ki mraw ne ki shakri,
 Kam pher phi mew phi jer ia ngi,
 Hapoh jong phi kular ban long,
 Lada ia ngi phi shah ban shong,
 Hynrei ngi phla ia la jingsngew,
 Ki tiar ki tar, ruh spah ne phew,
 Hok long kynrad ka dei jong phi,
 Katba sngewbit to ai ha ngi,
 Ban trei minot ngi buh kular,
 Pynlong ia ngi tang 'Nongsaiñnar.'"

Jingnang ban khroh kum u myrsiang,
 Ban loh shyiengdoh tyngab babang;
 Halor u wieh hapoh u khwai,
 Da Jiigsain Nar ki khroh kynjai ;
 Hapoh mynsiem kharai ki tih,
 Ia Hok u Khun Khasi ban knieh;
 La kum ki bieij ki leh bymtip,
 Buit pohrati pat ka nangsieb;
 Sha shoh tyndep ha sur kular,
 Ban shong ki shah, dup roi 'spah nar'.
 Khlem poi pyrkhath kaei kan jia,
 Namar ka spah, ruma ki tba.

Tang mar ia loh ia ka mynjur,
 'Sai shangkawiah ki nangpynpur;
 Bran bran ki her sha la ki shnong,
 Ban loh pyndep ia la ka thong,
 Ban pynsgewbha ki da rah ineng;
 Kum muid ang um trai ri tyngheng;
 Ryngkat bad ki sa kiwei pat,
 Tymmen khynnah, bym poi pyrkhath;
 Baroh hana ki ba ha ing,
 Da buit sianti ki sdang ban phnieng;
 Da jingsngewrit ka dur ki phong,
 Kim kwah pynmong tang ban loh shong.

Ki jinglehkmen nangta ki sdang,
 Phylliew jingieit ruh mar kylliang ;
 Tymmen k1 kro bad ki khyannah,
 Rang Thei samla bad k1 rangbah ;
 Sha lypung shad baroh ki leit,
 Soh Jingkyrmen ba kin ioh kheit;
 K1 shad k1 mastieh khlem tyngkai,
 Ryngkat ka dih 'lad um 'lad krar;
 Nongwei nongar jylluid 'niuhmoh,
 Katba ia ki u peit lyngngoh;
 U kmen ba k1 Khasaw la ngat,
 Ha bor jadu u Nar Isbad.

Hapdeng k1ne k1 jingsngewbha,
 Koh Blub u sma ka sang ka ma ;
 K1wei k1 ksew k1 bud ban jlew,
 Ban pynkhie im k1 Pakhaslew;
 Hew hew u jlew u wiar u kyang,
 Kum ha k1 por Sier Lapalang;
 Mei 'Ngi ka sdang jngi sha dymmiew,
 Ba ka iohi ka dohnud sniew ;
 Ka Pap ka Sang au katne,
 I'u Khun Khasi b'la pynthame;
 Bau ong ka Spah ka lah pynsmieij,
 Kam long bad dei namar Jingbieij?

BYNTA—II

Thir thir kumne ki sngi ki ia ki nang her stet,
 La khraw u 'Lei Longspah haduh la i saitmet ;
 Oh' la byrsieh ka Sang ka Ma shisnieh pyrthei,
 Ka Hok ha Krem Lamet Latang ne phet shaei ?
 Kumne beroh satlak bynriew um shong suk shuh,
 U ksaid lamwir lamtham kum wieh h'u shyiap khatduh—
 Kynsan kum ka Umsaw ka pap ka sdang tyллеp,
 'Erbih 'señiong syndon ka beh h'u Hynñiew Trep ,
 Ha pdeng ka shaiiong ngaiñ jong u Lyoh iong 'Lap praw,
 Jingshlur khlawait hyndai ia ki ka pynkynmaw ,
 Jabiang phluk phluk ka thnam, dohnud pat nang kyndeh,
 Jinglongrim bad thymmai la mlai pyniakhle.

Kumta la sdang ka jingsañ nar,
 Ban loh pyndep ia soskular ;
 Pajih na shnong ki leit ban shna,
 Da ing dara malu mala,
 "Tang i'u tyrkhang la dei ban wad,
 Hynrei i'u shyiap nangne yn krad";
 Ka ding shlem nar kumta ka klang,
 Baroh shi sngi bad l'iur bad tlang,
 Tain tain, tar tar ki jingsawa,
 Hum hum, ham ham ki jingsngewbha
 Bun ba kwah trei ka kam phylla,
 Ba sngew sarong ban leh kumta.

Ia rukom trei thymmai ki beh,
 Namar ka spah pyrthei bymneh;
 Lynti synkien, ki iew ki hat,
 Kamaı kajih, ki ioh palat,
 Mynta mano ba lah ban len,
 Jingphuh ungphieng ba spah ka kren
 Mynta ka jop ia ka Hyndai,
 Hana ba dei ka pyrthei shai !
 Ynda sepsngı ki dak basaw,
 Kı shad phalang ba kliar Jawpaw;
 Ka Jingsaiñ nar ka pynkylla,
 Ia rukom ım Longshwa Manshwa.

Kı tih kı lum, la khuid kı kblaw,
 Ha Jingsaiñnar ka ruid unsaw;
 Sawdong ka thaiñ wat sha Ri War,
 Kı shang kı tur ban wad 'khangnar;
 Ka Phod Lamdew ba khuid khriang khriang,
 Mynta byrsieh da um sarang;
 Symper Kmawan bad Nongsynrih,
 Ryngkat bad ka ki ud sngewsih;
 'Lei Phod Dipon bad 'Lei Jawpaw,
 Dom Mawlongben bad Dom Tynngaw;
 Kı khıh pısa bad kı khuslai,
 Ia ban sa wan bad ka la shai.

Khubor Saiñnar kumne ka par,
 Ri Bho; Ri War, Khasi bad Pnar;
 Shaphang Nongwei ki 'thuh khana,
 Ba dap tang da jingbha suda;
 Thung phan, thung shriew, thung 'riewhadem,
 Ha Jingsaiñnar la hap pyndem;
 'Riewkiar, 'riewpylleng, 'riewsangthong,
 'Riewlong, 'riewsawpor ne 'riewiong,
 La sngewpoh keiñ ban ia nujor
 Thung Phankaro bad phan mynnor;
 Rukom barim ka sar lut phar,
 Kum bih 'Seiñiong suki ka par.

Naduh Nonglang shaduh Rangthong.
 Kumne ki kñh kylleng sawdong;
 Mawrap, Phod jaud bad Matngam,
 Mawrangwir ruh bad Sohkhylam;
 Da 'erbih 'seiñiong ki pynher,
 Wat sha ki Thaifi jong ki symper;
 Mawten, Mawkyllut ruh kim lait,
 U da thmu te ban pynduh jait;
 Bad ha baroh ki bym shym jer
 Da 'tisbun eh u sdang ban kner;
 'Saikha 'Saiman u sdang khura,
 Shaduh Laitdom bad Khatsawphra.

Ka Spah ka Phew ka kiew i rat,
 Ka pynsubsieng ia jingpyrkhat ;
 Phuhmut phuhmat, sharum shaneng,
 K₁ iaid la kum k₁ Puri bneng ;
 Ka burom jong ka Jingsaiñnar,
 Sawdong ka R₁ kylleng ka par ;
 Bad k₁ pyrto . "Kat k₁ ym don—
 Ha dohnud Beng ia ki yn shon";
 K₁ wan hap kum ki manablei,
 K₁ da wan kup dur i synei;
 Hana, ha ki shapblei ka don,
 Kim man peiphang ba Spah kan phon.

— — — — —

La nangkharoi ka sang ka ma,
 Ka shongkha khleh ka sdang hiar thma ;
 Dei kane keiñ ba shyrkhei tam,
 Long ing long sem baroh kan ngam ;
 Ka sdang suhthied wat kam synshar,
 Dohnud k₁ Rang ka kh₁h bitar;
 Mynsiem ka sat ka bitar lep;
 Ban poi haduh kane ka khep;
 Dei tang namar ka Jingbha bieij—
 Ia k₁ kumne ka wan pynsmieij?
 La suk ka khang ban ia ka rat,
 Biang por k₁ wan Symboh pyrkhat!

— — — — —

Ki 'Law Kyntang kī 'Law Lyngdoh,
 Bri kwai tympew bad kī bri soh;
 Kim űiew kyntang kim űiew burom,
 Naphang kī rat kī iuh kī thom;
 Namar Jingsaiűnar kham ha khlieh,
 Ia Hok Longtraī ka sdang ban knieh:
 Buit Koh Tympan mynta ka paw,
 Jingwiar Koh Blub ka pynkynmaw;
 Kdar kdar kī shai kī paw tyngkreiű,
 Kī jingthombor kī jingűiewbeiű;
 Kī sdang pyrkhāt shano kan lam,
 Lada ha Spah kin dang 1aī ngam.

“Ki buit shukor jong u 'Lenri,
 Kum ha it khmih kī shai ha ngī;
 Mei Bah Pa Bah to kyrshan lem.
 Pynieng Nia jop ym da Nra rem;
 Kī syrtap Buit arsap b'la phon,
 Ha khmat ka Hok kin sa kyllon;
 Bad Khun Khasī ym don jaka,
 Khalah nangne shapoh űiamra;
 Shapoh 'Liewlong 'Liewlep ka ksew
 Shaba jyllei ka Pang ka Khrew;
 Ka Thok Shukor to thep Nurok,
 Wat ai ruh ba ngin shah kynkok”.

Ka Kñia ka Khriam ka ðwai phirat,
 Ban krad 'tí Blei ha ka Diengshat ;
 Trai R₁ un kup da ka Shanam,
 Ban bat dustur ban ieng ka Niam ;
 Ka Pap ka Sang kin nym lah rhah,
 Ban lait na ka Dawlum Dawwah ;
 "Blei Trai Kynrad, Thawlang 'lawbei,
 'Suidnia ia ngi to isynei;
 Hukum ka blei ngi khot kyrpad,
 Naphang jingsniew ngi kloi ban rat ;
 Te dngong ngin ap ia la ka kpong;
 Tyngkong ka Hok kan ieng rasong."

BYNTA—III

Ka Kñia ka Khriam pyndep ban wad ia ka Hukum,
 Na Blei Trai Kynrad shwa ban sdang ka wait u sum ;
 Shwa pylleng ha Diengshat pynliem syiar pat hadien,
 Tang bha d'u blang, masi pynliem ban nangpynbtin ,
 Shi lynter ka Kñia Wad Hukum ka bha suda,
 Ym don jingthut jingwoh ei ei mynta da thma ;
 Tang bha ka Ktien na Blei Trai Kynrad Nonghukum,
 Kylleng ka R1 kyrwoh ki phah ki Rang ban lum ,
 Namar jingthombor nongwei kumba long mynta,
 Ym long shuh da kumwei pat sa tang da ka thma ,
 Ban da la R1 bareit u Longshwa u Manshwa,
 Sa tang da thma Lawei ka R1 ban rai mynta.

Ha Dorbar jong ki Rangialeh,
 Ban thom ka Pap ka ding ka meh ;
 "Ryntih ngin ieng da ka jingshlui,
 Ngin ym kynran shaphrang ngin tur ;
 Ki 'Rangkhlawait ba kynsai tam,
 Sngew dei ban don d'u Nongialam ;
 "Pakoh tymmen" baroh ki ong,
 "Ia burom Blei b'la kup b'la phong ;
 Mynjur kubur jong phi batam,
 Kyrkhu kyrdoth i'u Nongialam ;
 Kumne Riti Dustur la thaw,
 Pateng Longdien ban sah kynmaw.

La jied ia u Kamun Kaniang,
 Kum Nongialam ba khraw jutang ;
 Ka phur ka siang ba long ka Niam,
 Kyrkhu kyrdoh ban bha ka kam ;
 Pakoh pyndep ka suit ka shor,
 Ban sdang Rukom Dustur mardor ;
 Laisien lai wat ki risa jam,
 Ban neh Riti Thung Nongialam;
 Mynsiem ka shlei tang da Jingkmen,
 Suiñbneng ka phong dak Jingkyrmen ;
 Riti Dustur babha ki thrang,
 B'la tei skhem triang halor Mawsiang.

Kamun Kaniang u don ka sap,
 U tbit ban shna ryntieh ryngkab ;
 Nadeh dang rit u la pynmlie,
 Ha man ki liang um ju sah dien;
 Ha ka bat stieh ne ka wiat khnam,
 Ha Rongbiria u rah ka Nam;
 Shaphang jong u ka nam ka par,
 Ha la ka thañ ne wat shabar;
 Da ktien thylliej ba don akor,
 Jinglongbabha u da ñiewkor;
 U long u Rang dapmañ dapmoh,
 B'la iet b'la burom da baroh,

Kamun Kaniang de joit u ieng,
 I'u Kpieng kamram u kloi ban deng;
 Wat la u tip kamram ka khia,
 Ha sngap b'u kren b'u tai ki nia;
 "Naduh dohnud nga pdiang sngewbha,
 Da kaba smai nga pynshisha;
 Ym don u briew ba lah ban jop,
 Tang da lade ha jingiakop;
 Hapoh ka Stieh Jingtaylli,
 Nga da khot iet namar ka Ri;
 U Blei bad ngi Un don ryngkat",
 U nguh u dem u shong artat.

Kamun Kaniang ha la kamram,
 Mynta shaphrang u prat u jam,
 Ia la tyrpeng um pat sngew khlañ,
 Tang Rangialeh na la ka thañ;
 Kumta kyrwoh u phah bran bran,
 Kylleng ka Ri la jngai ne jan;
 U da kyrpad ba kin khreh kloi,
 Hapoh ka ia basan ban poi,
 Ban dang pyntud ia ka ym long,
 Namar ka Ri ka Snam la jong,
 Marwei marwei u shu lynga,
 Namar ha tmier kane ka thma.

Tang mar ia loh ia ka kyrwoh,
 Khlem artatien baroh ki snoh ;
 H'u KSAI JINGIATYLLI kawei,
 Jingsniew ban rat ki sngew ka dei ;
 Na War, na Jaintia ki la kloï,
 Hadien pat wan ba na thain Bhoi ;
 Na Khatsawphra bad na Nongkrem,
 Ki la dep sher dara bad sem ;
 Kumta shaid shaid ka khreh ka khrum,
 Pynbiang ki khnam ka stieh u sum ;
 Shipai u swar ruh la pura,
 Baroh la biang ha shwa ka thma.

— — — — —

Kamun Kaniang mynta u lum,
 Baroh ki Rang ka stieh u sum ;
 'Rang-thong, 'Rang-ja-dong b'la ai nam,
 Lai sien lai wat ki risa jam ;
 Ryntih shitnum shi sur ki ieng,
 Sha madan thma ban ia ai reng ;
 Khlem smiej ki pha namar ka Ri,
 Ban neh ka Hok ban bat Riti ,
 Ka Ri baiet naduh Longshwa,
 B'la ai ki blei baroh shirta ;
 Namar ka Hok ki bat skhem triang,
 Ryntih shisur ki ieng skhem jriang.

— — — — —

Kamun Kaniang lade ban len,
 U kynrong joit kumne u kren —
 “Rangbah Khlawait ba khatarbor,
 Rangbah Rangsang bym pat shong kdor ;
 Ko Rangialeh dap maiñ dap moh,
 Ha Sur Jingieit ka Mon pynsnoh ;
 Ia la jingkmien ha phi nga khlei,
 La Sap la Buit to ngin theh sei ,
 Namar ka Hok ngin ieng ban da,
 Ryntih baroh ngin tur sha thma ;
 Ngin da pynpaw ia la Jingshlur,
 Khlem kyrtiang dien shaphrang ngin tur”

— — — —

“Ko Paradoh Ko Parasnam,
 To ngin sngewthuh jingkhia ka kam ;
 Kumne haba ka Ri ha tmier,
 To ngin sngewthuh loh lap ba dier ;
 Kylleng satlak song ka pyrthei,
 Kumne jingsniew ki dap ki shlei,
 Blei Trai Kynrad wat pynbuhkhoh ;
 Kynnoh kvliang ruh to keiñ noh ,
 Tylli kawei shisur jingmut,
 Hadien jngsniew kin shu lormut ;
 ‘KHUBLEI’—da ba burom ia phi,
 Khlemjer kyrteng Ko Para Ri.”

— — — —

"Ia u Nongwei ngi ñiew ki lok,
 Adur lanot ! Pleng, la shah thok ;
 Ngì don jinglong tynrai khia thew.
 Kum briew baroh ngi don jingsagew ;
 Tip pap na jingpat ka Drengiei,
 Sa sdang mane i'u ksuid i'u khrei.
 Kaei pat'kei ka Jingarsap ?
 Kam dei ka khun ka ksiew ka Pap ?
 Ka kup ki ñur ki rong bapher,
 Ia puknì jingpyrkhat pynher ;
 Kham pher shisha na jait jingthaw,
 Oh wow ! Bun ktì ruh kum blei thaw."

Nongwei sianti taiar lupa,
 Da laiphew skit ki jait tiarthma ;
 Mynsiem ka shlei da jingkyrmen,
 Jinglong kynrad b'la pun la slem ;
 Mardor ki sdang da ka umsnam,
 B'la thrang pynar u pud u sam ;
 "Sa rat kine ki bieij jakle,
 Sa shibit por kin sa mane ;
 Tang katnø sngi ngin ia khmih kai,
 Ngìn sloit kì khlieh ha 'hiewkharai ;
 Kynthei khynnab, khyllung tymmen,
 Kum ia khun syiar ngin rong khlem kren".

Nongwei u sngew ka bha suda,
 Trai Ri u i ka sang ka ma;
 Arliang mamla ki sdang ka thma,
 Ban pyneh la ki jong ki nia ;
 Ha jingialeh ba i shykhei,
 K1 thom naphang bormet ki sei ;
 Baroh arliang ki khreh k1 khrum,
 Ryntieh bad khnam, k1 wait bad sum ;
 Sharum shaneng katba kynduh,
 K1 pom da wait, d'u khnam k1 suh ;
 Kumne ka jia ka saw ka sian,
 Jingma k1 ap na jong na tbian.

Ha jingialeh ba hynñiew tlang,
 Kamun Kaniang u prat u tang ;
 Baroh u don khyndai kynhun,
 B la smai ha khmat Dorbar pyllun ,
 Hynñiew hajar ar baroh lang,
 Khyndai k1 Nongialam u tang ;
 Ka shi kyntien ka long umksiar,
 Kat kum ka Juban lak Dorbar;
 "Palat hukum Hei Ho long sang".
 Ki da phawar kynteit kyliang,
 Lai sien lai wat phawar k1 ban,
 Mar kumta hi ki mih de bran.

Jingthmu kawei shisur jingmut,
 Baroh Khyndai kin tur ia kut;
 K₁ ap ha la ki lad ki ktem,
 K₁ da duriap ban ioh pyndem ;
 I'u Nongwei b'la tatar lupa,
 Da laiphew skit ki jait tiar thma ;
 Kamun Kaniang hukum ka mih,
 Sha Khyndai Nongialam kieng stieh ;
 Ym bit pynkheifi hukum jong u,
 Namar ki long ba la kyrkhu ;
 Ka ba phylla katba hukum,
 Khlem lehnohei ka wait u sum.

Kat shaba tur Nongwei u mad,
 Da jingsuhsat ha man ki lad ;
 Namar Trai R₁ b'la ap phira,
 Kat kaba tur ka phai kylla ;
 Kat nang kynran Trai R₁ ki tur,
 K₁ da pynpaw ruh la jingshlur ;
 Ryngkat mynsiem iet R₁ ki phong,
 Namar ka R₁ kan ieng ka kpong ;
 la kabu ksiar ki da ap kmang,
 Ban ioh pyndam ka pap ka sang ;
 La buit la sap ki kun hi sia,
 Namar ka thong ; Ban jop ka Thma.

Ha Thma shykhei baneh slem jlang,
 Ka don ka rem ka jop kyliang ;
 Kham bun ka teng la jop Trai Ri,
 Syndon kim lah pyndem ia ki ;
 Na jingia'eh ba paw ki sap,
 Dei tang shaphang Matngam Mawrap ;
 Ki jingialeh ba thain suhsat,
 Baneh hynñiew phew hynñiew hat ;
 Kynhun Trai Ri kaba Hynñiew,
 Naphang ka thom khlem jingsuidñiew ;
 Naduh Rangksu najan Nonglang,
 I'u Nongwei beh bad ing ki thang.

Arsut arsut Nongwei ki phet,
 Kim man loh lad ban kiew artet ;
 Mynmiet ki krad sha Phod Narei,
 Ha jingphetiap tyrtho ki sei ,
 Umsaw ka Phod Narei khlem shah,
 Ia ki ban kam sha shiliang wah ;
 H'u ksai snoh lang shiliang ban lait,
 Te thui u dkut shapoh trai kshaid ;
 Lyngngeit khongpong hangthie ha thwei,
 Dei ruh hangta ba jah pyrthet ;
 Shu kem rngiew briew ka pyrthet jar,
 Namar Tyrut Ur Nongsain Nar.

Kane ka kshaid ha Phod Narei,
 Na shnong Sarin shaphang shatei ;
 Na Mawpud bad na Nongkynbah,
 Kyndlang iohi khlem don jingkah ;
 'Tyrut' [ha um wat ai kan neh,
 Namar kamram 'Da Ri' b'la leh ;
 Ia ka kumta la jer kyrtang,
 "URNAR" yn tip teng la pateng ;
 Kam duna ha jingitynnat,
 La ha Mariang Dymmiew ka shad ;
 Shusha wat la phi peit na jogai,
 Khlem pep ia ka burom phin ai ;

Baroh ki kshaid ha Ri Khasi,
 Ki rah pynsngew sarong ia ngi;
 Shaphang jong ki ngi rwai ngi siaw,
 Ia la jingsngew ban ioh pynpaw;
 Ki Khanatang bad Puriskam,
 Shaphang jong ki, ki dang kren jam;
 Nalor jingitynnat jong ki,
 Ki da long kordor ruh ha ngi;
 Ka Kshaid "URNAR" kum kiwei pat,
 Kum ma ki hi ka itynnat;
 Ryngkat ka Khanatang b'la snoh,
 Burom kumjuh ka dei ban ioh.

Nalor kitei b'la 'thuh b'la jer,
 Namar ka Ri 'tisbun ka kner;
 Da jingsngewrit jingeh ku mad,
 La ha Dymmiew marwei ka shad;
 La bun byllien ia ka kim bna,
 Ka im sngi dngong la Ri'ban da;
 Kumne ka p'her na kiwei pat,
 Namar jingsniew dyngkhong ka rat;
 Kumta lem bad 'UMSOH-UMSAW',
 'URNAR' junom yn lai kynmaw;
 Kylleng kan par ka Nam jong ka,
 Ryngkat Khanatang ai nuksa.

BYNTA—IV

Ryntih buk te ki ieng da Sur ka Jingtchsong,
 Ban neh Riti Dustur bad Hok kan ieng rasong ;
 Da ki jinglynga bad pisa mynsiem ki phong,
 Ba tieng bad ayier ba ioh long mraw ha Ri la jong ;
 Rukom jong u Barim Bajah la sdang ban sei,
 Toi sepei ba Jing'ong Mynta kum khiew ranei ;
 Sdang sa ka kha ka bishar ia ka daw ban wad,
 Byllai kiwei ruh kiba shu duwai phirat ;
 Ban ioh pat ban sei madan la ki sap ki buit,
 Na Kitab Ksair ka por shlei um hyndai b'u nguid ;
 Kjat sngi ba shat phyrnai hadien jingdum ba iong,
 Jingsuk Bneug Trai Kynrad Hynhiew Trep ai un phong.

Ki ar mamla hapdeng Saitsnat,
 Lynti jingim thymmai ban krad ;
 Nongwei u kren u tai kumne-
 "Ko Lok I'u Blei to ngin mane,
 Balei mo ngin shu ialethma?
 Haba ngi long kum shipara,
 U Blei ia ngi Un sngewsih keñi;
 Lada ia kane ngi hiew beñi ;
 Ko Lok na phi Jingmut to ai,
 Khnang ba jingim kan man kyrhai ;
 Mynta ngi tyrwa ban ia suk,
 Ka um-kyrpang 'Hala-Muluk ".

Tang mar ia kut k_i nia Nongwei,
 Kamun Kaniang la nia u sei ;
 Ym shuh kum Nongialam Khlawait,
 Da nia ban khmih ka let ka lait ;
 Kum u Simpah Simsong u sei,
 Khlem jingduna ha sla pyrthei ;
 U long Nongsaid ba khraw jutang,
 Namar ia u la pynkylntang,
 Da nia ka Hok ka Sot u loh,
 Baroh ia u ki ang lyngngoh ;
 D'u 'hej khlem shyieng u sdang pyntgen,
 U ieng de joit : Kumne u kren—

“Ngi ruh da Thma ngim sngewtynnat,
 Ba sngewsih keiñ U Trai Kynrad ;
 Ngim pdiang ia Jingtyrwa ia suk,
 Kumba phi ong ‘Hala-Muluk’ ,
 Jaka puta te ngi kren shai,
 Wat khmih lynti ha phi ngin ai ;
 K_i ing k_i sem lada phi kwah,
 Kam pher mynta mynta phi rah ,
 Sha la ka r_i ka shnong jong phi,
 Namar kane ka R_i jong ngi ;
 Mynta ngi ai la ka tyrwa,
 Lada phim kwah shuh da ka ‘THMA”.

"To tip ngim thait ban wad ka Hok,
 Ar-sien ngim kwah ban shu shah thok;
 Da 'Buit Jingstad' ngin sdang tynjuh,
 Ha Thong : Barem : Jaka un duh;
 Da Burom Blei phi ruh mynjur,
 Ka Pap kan ran ka Hok kan shur;
 Ka 'Tynjuh Bor' da Buit to pdiang,
 Phi tang pynslem kan ding ka klang;
 Tyrut ka smer shisha ngim kwah,
 Ban duh ka Hok, 'mat iong ngin ktah;
 Ngı khot kyrpad ia Burom Blei,
 Kı soh ka Hok madan theh sei".

Arliang mamla ki pynshongma,
 Tynjuh da Buit, ym shuh da Thma;
 Kat ubaioh kynjoh ka Thong,
 Kyrdan Kynrad un ioh ban long;
 Kı Buit Jingstad u sdang ban sei,
 Ia Hok Long Trai na sha kı blei;
 Baroh arliang kı sngew don hok,
 Mano ba tip ueı u Thok?
 Da Jingtynjuh Bor ba khatduh,
 Barem mynta un phet jynduh,
 Batieng ioh ding kan sa klang biang,
 Da Jingtynjuh mardor kı sdang.

Jingiathong Ba nyngkong ka dei,
 Ban pun Jingkieng ha Phod Narei ;
 Na kynih syiar sha kynih syiar,
 Dei ban pyndep ia Jingkieng Ksiar ;
 Nongwei nangta ki sdang pynieng,
 Sangsot kim dep wat tang shiteng;
 Pali Trai Ri ynda ka poi,
 Shaid shaid ki trei ban pyndep klo;
 Jingkieng ki pun tang d'u Diengsai,
 Tang dep ki kyllan d'u Shynrai,
 Ha sngi ba bud tang kynjat shai,
 Ka Jingkieng Ksiar kynsheng ka tai.

Tyngkreiff ynda ieng Jingkieng Ksiar,
 Ka liang Nongwei ka kynjah jar;
 Wat la katta kyrmen kim duh,
 Namar sa ar kin ia tynjuh;
 Mynjur ba Trai Ri ki la jop,
 Mynta ka Kynti Jingiakob;
 Trai Ri tang da jingkmen suda,
 Ki shad mastieh bad ka risa;
 Burom ki ai Kamun Kaniang,
 Da jingsngewrit ia ki u pdiang;
 Kumjuh burom kylliang u ai,
 Bad la ki Jingkyrmen kyrhai.

Ha kane Kynti Jingiakob,
 Bun jingpyrkhat ba la synrop;
 Bun ha lade kın sa kylli,
 Namar jingartatien ha ki;
 Haduh katno Nongwei kı bieij?
 Ia jingpyrkhat ba la pynsmiej!
 Kı jingpyrkhat kı bha suda,
 Lada kı snoh ha Jingshisha;
 Bun kı pynleit la ki jingmut,
 Da jingbymeit kı da pynkut;
 Kumta kı ngam sha jingpyrkhat,
 Ha Shangkawiah Bakla ioh ngat:

Ka Ba ar pat da kı Jymbam,
 Pynnguid Umbiah, pynkhih Tyngam ;
 Nongwei ha kynti ba mynta,
 Ban jop kı khmih lynti lupa ;
 Da laiphewskit Jingbam phylla,
 Kum Jalabi bad Roskula.
 Haba u bam u nguid ia ki,
 Khlem don jingpher ia u Trai Ri.
 Nangta Trai Ri u sei na song,
 Da jingbam ? Em, d'u Sbhmyndong.
 U tang sdang bam bad ka pyrhah,
 Nongwei baplı, Umbiah nguid sah.

Ka Lai Kynti, Ka Lai Kylla,
 Ba sngew shyrkhei ba sngew kynsha ;
 Trai Ri u THMU laisien lai wat ;
 Ka Thongtynjuh kan kut artat.
 Jakhlia la jong ba kip ia bam,
 Jngantiaw ban ia ka Stieh u Khnam ;
 Hynrei Trai Ri da buit jingstad,
 U tip Nongwei nangne un krad
 Nongwei harieh pyhmlien lupa,
 Jingstad u wad Buit Bam Jakhlia,
 Trai Ri u suk mynsiem kynjai,
 Lashai u sei d'i 'Tungrymbai.

Na Khanatang Sier Lapalang,
 Ha Iew Luri Lura b'la tang,
 U Khun Khasi na ba la jia,
 K1 buit na k1 u ring nuksa.
 'Tungtoh u ksew ka dang kren briew,
 Ka dor ka Pap kylliang ka siew ;
 Khyndai Umdih Khyndai Umtong,
 Jingiatylli kin lai tehsong.
 Hok Khun Khasi ba dang sotti,
 Kan dang lai sah lai doh ia k1.
 Ki Umpohliew Jingstad nangsei,
 Katba dangsah ba sla pyyrthei.

Nongwei u kob pat sa shiwat,
 Nalor laisien b'u dem 'ñiuhmat,
 Namai Ijot ban khyllie pat.
 Ba ka mynsiem ka sat palat.
 Nongwei, RATBAH, b'la khreh lupa,
 Ba ksah hi mlon ba khlaññ pura,
 U Ksiang ba pnah, te biang ki phah,
 Ban ia pyni Jinglong Rangbah
 Tang loh khubor shaiong u paid,
 Mano ban mih ka nia ki said?
 Kynsan u mih, U Rangkynsai,
 "To ich ha nga, ngan thir ki ksai "


Tang mar ia poi ka ia ba biang,
 Ki Ar ki Rang ki khreh de jriang ,
 Ryngkat u paid ba ker tawiar,
 Ban ia pynshit narud na kiar ,
 Nongwei ha shwa ban mih u Rang,
 La ki atiar ha kti ruh triang ,
 Nongwei d'u dieng shipruh u rah,
 Shu shieng, sopu ban phon ym shah ;
 U Rang ba sting u shu rynsied,
 Shi dieng khlem dei man ba u tied ,
 La lut ki buit Nongwei u sei,
 Hynrei baroh long lehnohei

U Rangdajied ba tylli mlon,
 L'u duna bor, ka buit u don ;
 Ynda pali jong u la dei,
 La buit b'la wiat u sdang ban sei ;
 Atiar jong u tang d'u kynbat,
 Nongwei u shah hab'u sympat ,
 U peit sammut um man i dap,
 Bapli um tip ia bor 'Tem-Thap' ;
 Na met Nongwei u kawut 'Slait',
 Ani ' b'u kyang, la shkor bat 'Trait',
 "Ni-wow, Ni-wow, Blei Trai Kynrad",
 Wow ba u ud ruma u krad.

Saw Sien Saw Wat la ki shah rem,
 La katta ruh kim man pyndem ,
 Ha Sien Basan ki kwah 'nam tam,
 La bor met biang ki sdang ban lam ,
 Da 'Bok Shadem' kat u ba jop,
 Kynti khatduh ka Jingiakob ,
 Arliang Mamla Khlawait kin sei,
 Namar ka Juban lak b'la khlei ,
 Mynta ruh Trai Ri sha kutlad,
 Da kum wei pat kim nang pyrkhat ,
 Lumpung ia kob nangta u nuh,
 Da kut jingmut ruh khlem da khih.

Haba ka sngi ia kob la poi,
 Nongwei sarong ki mih pynkloi ;
 Shai um shaneng ki da iaid meng,
 Ki kilan met pynkhih tyrpeng ,
 Ki loit sopti kum Nonglympat,
 Ei ei ha kii ym shah ban bat .
 Ka met jong ki da ksah suda,
 'Nam jop imat ki la thikna,
 Ka Jingiakob haba la sdang,
 Tang shi kura la phar lyngkrang ,
 Ha ka kynti, 'Kura Shadem',
 Trai Ri baroh ki rem shi rem

Risa 'Namjop sha liang Nongwei,
 La kum ban klun shisnieh pyi thei ;
 Trai Ri niuhmat ki sdang pyndem,
 Khlem khylie shuh na ka Daw rem ,
 Kynsan kynsan na liang Trai Ri,
 Mih bluit uwei napdeng jong ki ,
 Risa ka jah, ki ieng lyngngoh,
 Ki pyrta pat - "Ale Raikhoh",
 U Rangraikhoh na liang Trai Ri,
 Um man patiw ktien bein jong ki,
 Namar ka Ri, "Nga dei ban mih,
 Da bor jabieng 'Namjop ngan knieh".



U Rang Trai Ri da jingsngewkhia,
 Ia la ka buit u kun hi sia ,
 U lai ap kmang kabu b'un ioh,
 I'u paid Nongwei ban pynlyngngoh ;
 Nongwei ba tang mynsiem kobpia,
 Khlem jingphohsniew kaei kan jia ;
 Trai Ri b un sdang nyngkong, ki ong
 Da jingñiewbein suda ki phong ,
 Hynrei Trai Ri ba don akor,
 Ki kyan hi tiaw khlem da kren khor ,
 Nongwei pynbor ban leh kumta,
 "Ia Hok'" - ki ong - ' Pyni mynta '".

— — — —

Trai Ri shi buit tang kum ka miaw,
 U dap da Jingkyrmen bakhraw ;
 Un sei mynta ia buit b'la song,
 Ban pynkut syndon ia ka Thong ,
 Um mareh stet kum kiwei pat,
 Suki u jaid kham kti artat,
 Nongwei b'la pynat shadem bha,
 Da leh lyngngoh bad leh phylla ,
 Da 'ti kmie ngak, u kura 'Prak',
 Na shyllipnud shu riew hi 'Hak',
 Ratbah Nongwei u pat de 'Pding'
 Lama Trai Ri sha jrong ki kieng.

— — — —

"Hui Kiw, Hui Kiw" risa u paid,
 Trai Ri kɪ shad kynhoi ia iaid ;
 Nongwei shikyntien kim kren shuh,
 Tang shu kyllon kɪ sdang khynñiuh ;
 La slem hɪ jlang hangta u thiah,
 Shajan kɪ tur ia u ban rah,
 B'u shitom jur kɪ nang pyrkhath,
 Hamar ba rah u iap artat,
 U Lyoh Jingdum, Nongwei u tap,
 Mynsiem ka ing, shadem kɪ thap ,
 Namar kɪ tɪp b'la rem jynduh,
 Da kumwei pat kim nang kren shuh.

— — — —

Trai Ri nangta kɪ sdang khot biang,
 Kɪ Rang-ia-bok ban ia kawang ,
 'Raikhoh' b'la sin, u kut jingmut,
 Kat uba mih yn pynliem lut,
 Namar Burom ka Ri u mih,
 Ban pynduh khoit ia jingbyrsieh ,
 Nongwei u twad la ka lyngkdong,
 Bainong b'u ioh na jingsarong ,
 U tieng sngewrem naba la jia,
 Kim shlan shuh te ban dang kobpia ;
 La ma syrnɣiew na b'u kyllon,
 Ha kti Trai Ri b'u liem syndon.

— — — —

K1 Thma ia kob mynta la kut,
 'Sai Jingiakren ruh thui u dkut :
 Ka Hok ka paw khatduh kh'wai,
 Nongrhah k1 ngat ha 'hiewkharai ,
 Sngewrem mynsiem ka nang kham jur,
 Ban ia kaba ha kshaid k1 ui,
 Ka 'Rem da Buit ym lah ban siew,
 Namar ka ktah ia ka longbriew ,
 Nongwei U rem ha khmat Trai Ri,
 Ia la ka khmat kim nud khyllie,
 Kumne da Khnam Imlang Sahlang,
 K1 phet sngewrem, k1 jah de jlang

BYNTA—V

Umpohliew Jingstad ngin pyrshang ban iai kynjoh,
 Jingsniew syndon ngin ieh ia Hok pat ngin iai snoh ;
 Namar ka Hok bad Buit Jingstad ki long ka Bor,
 Lada ngi nangñiewkor bad siewspah ia ka Por ,
 Hooid ki jingsniew la ki phet ruh kin dang iai wan,
 Kumta bat skhem ia Hok ba Pap kan nang kynran ;
 Da kynmaw dngong ba Jingim kum Jylli pyllun,
 Na sdang sha kut, na kut sha sdang ka iai tyllun ;
 Kum um Duriaw, u slap ne lyoh ki Saw Aiom,
 Kum ai Aiñ ka Mariang b'la buh ryntih junom ;
 Bor Blei na sha lyndet Jingshisha b'la tehsong.
 Ba Jingthaw kiba pher, kyipang kin ioh ban shong.

—————

Ia Khanatang tang katne ngan iathuh,
 Ia khan bishar ha phi ngan bret ngan buh;
 Shaphang 'Umsoh-Umsaw' kumba la jia.
 Saphret saphrong, ki jnit ba la sakma,
 La milai lang ban song katba dang ioh,
 Na ki sañium na synrangmaw katba ka snoh ;
 Ki dak shynna, ki 'it bad 'liewkharai,
 B'la tih ha Por Saiñ Nar ki dang paw shai ,
 Kham shai ha Sur kynud ka Duitara,
 Ha i tnum traw sur pring ki por synia.

—————

Ki Khanatang kiba da long bad jia,
 Ki paw shynna, tyngkreiñ bad ki nuksa ;
 Jingjia phylla ba long kum Symboh Ksjar ;
 Ynda ia ki la buh ha Thoh ha Tar ;
 Jingjia baroh kumne yn lah ban sdien,
 Kamram kan pyndep namar ki Longdien ,
 Nuksa ba kordor jong kata ka por,
 Ba pateng bynriew kan nang ban ñiewkor ,
 Te, ia kine ar, ban siewspah la nang,
 Jaitbynriew kan roi kan nang kiew shaphrang.

Shisha ha pyrthei ngin mad tang jingeh,
 Ngim dei pat ban beh tang ka spah bymneh ,
 Lada byllai khlem spah ki lah ban im,
 Baroh na ki nuksa ngi dei ban shim ,
 U briew um lah ban im tang da u kpu,
 Hynrei U Blei u don la ka Jingthmu ;
 Hato kumno ngi im mynta Ka Juk?
 Ngil lah ban im khlem jingshisha khlem suk ?
 Namar ka Ri ka Hok tyli ngin da,
 Nangne mynta ngin bud ia ki nuksa,
